

Universitätsbibliothek Paderborn

Exemplorvm Libri Tres

Liber Tertius, Sive Exempla Divinae Irae, Per Opera Poenitentiae, Nobis
Leniendae - Per Qvadragesimam Anno M. DC. XLVIII. narrata

Stengel, Georg

Ingolstadii, 1650

§. 9. Immensa misericordia allici homines ad pœnitentiam.

[urn:nbn:de:hbz:466:1-48194](#)

IX.

IMMENSA M^{TI}
BERICORDIA
ALIICI HOMI-
NES AD POR-
NITENTIAM.
Oleg. 13. 9.

Quām inexcusabiles igitur erunt, qui hanc tantam Deiparæ, immò qui infinitam Dei misericordiam audiunt, credunt, & tamen negligunt, aut adhuc desperant? Nonnè illis dici poterit; *Perditio tua Israël?* Nonnè isti digni sunt mille gehennis? qui non jam de tot peccatis, quotquot vñquam commissa sunt, consciij, sed ob furtum, ob rem alienam à se possessam, ob inimicum vnicum vindicandum, ob consuetudinem fornicandi, aut potandi, aut otiani, cogitationem omnem salutis deponunt; & de misericordia Dei desperant. At vedit hoc ab æterno prouidum. Numen? & tamen eos creavit, pro illis homo fieri, illis Matrem dare misericordiæ, denique pro ipsis in crucem tolli voluit. Et nondum nos mollit tanta pietas? tam immensa bonitas? Amplius progressa est. Postquam vedit, nos hæc omnia contempturos, adhuc beneficit, adhuc alia remedia exitijs nostris excogitauit: vt etiam sic adhuc lapsi surgere possemus. Nam SS. Sacramenta instituit, per quæ nobis vim sanguinis applicaret. Vultis videre infinitam patientiam, & immensam bonitatem? Vedit plurimos etiam hæc contempturos, calcaturos, adhibituros ad occasionem illum offendendi, & non substraxit: nec adhuc subtrahit; quamuis homines usque adeò insatiant, vt ipsa sese medicina occidant; & illo gladio Deum persequantur, quem à Deo contra suos, & Dei hostes acceperunt. Nonnè enim caussam haberet, vt diuina à se instituta sacramenta è medio amoueret, quibus homines sacrilegè abutuntur? At tam immensè bonus est, vt sacramentum poenitentiæ adhuc ei offerat in salutem, qui centies sacrilegè confessus est; vt dum saltem in ultima confessione seriò retractat sacrilegus suas confessiones, veniam misericordiamque consequatur.

X.

SACRAMEN-
TORVM ABV-
SVS.

Incredibilia videor dixisse, sed ostendam esse verissima. 1. Cùm omne sacramentum sit signum visibile practicum rei inuisibilis, seu gratiæ, quam confert, id quod ad gratiam conferendam est institutum, adhibent ad gratiam destruendam, quoties per baptismum, per chrisma, per mille sacramenta temerè, impie, iactanter blasphemant; illi nimirū, qui Redemptori suo ipsa sanguinem & vulnera exprobrant. 2. Baptismum non solùm in sui condemnationem accipiunt, qui minimè Christianè viuunt; sed